



la **Schira Jonila** y le **grup dai Ministronc** envieia der bel en **sabeda ai 25 de forà** dales 14:00 ales 16:00 te Ciasa dles Uniuns a na festa da carlascé con divertimonc y jüc. Gnide düc en maschera, la plü bela ven premiada!

😊 „Der neue Hemdkragen“

Aus Sparsamkeit wurde früher bei Hemden der Kragen, wenn er abgetragen war, abgenommen umgedreht und neu auf das Hemd aufgenäht. Bei einer Fortbildung für Religionslehrer und -lehrerinnen saß ein Pfarrer mit einem abgetragenen Hemdkragen, genau hinter ihm befand sich eine aufmerksame Religionslehrerin. Sie bemerkte den abgetragenen Kragen des Hemdes und meint etwas mitleidig zum Nachbarn: »Siehst Du, der hat auch keine Frau, die ihm den Kragen umdreht.«

„Wenn die Kirche lacht“, Heiteres aus de Diözese Bozen-Brixen, Athesia

1 enformaziuns y termins

Oraziun: en jöbia ai 23 de forá ales 20:00 s'encunta te salf de calogna d'Al Plan le grup de oraziun con signor Sepl Granruaz. Düc canc é enviés y benodüs.

De mondial d'oraziun dles Eres ai 03 de merz a Oies: la prozesciun con les Staziuns peia ia da San Linert ales 15:00 por roé sô Oies, olá che al ven zebré na santa messa ales 16:00. Eniann va l'oferta ales eres dles Filipines por sostegni deplü proiec. L'Uniun Eres Decanat Val Badia envieia der bel da tó pert.

Iade te Paiern: le KVV dla Val Badia organiseia en iade de pelegrinaje de 4 dis te Paiern (Andechs, Bad Tölz, Benediktbeuern, Wieskirche) dai 24 ai 27 de aorí. Le iade costa 520,00 € (+ 45,00 € por na ciamena a önn n let). Prenotaziuns tól sô Hilda Sottara, ☎ 0474 523133 o 338 9231013. La prenotaziun val do le paiamont dal prisc sön le cunt IT 23 S 08010 58830 000304009622 dla Cassa Raiffeisen. Por avei plü enformaziuns y le program plü avisa pón telefoné a Hilda Sottara o Iaco Clement, ☎ 339 6257779 o le damané por e-mail a: iaco_clement@libero.it.

www.manif.it: informaziun por rapresentanc dai Conseis de Formaziun y dles uniuns culturales: le Sorvisc Formaziun Val Badia envieia da meter les manifestaziuns por l'aisciöda/isté 2017 tla plata internet www.manif.it o da les mené al Sorvisc Formaziun cina ai 1 de merz. Döt ci co gnará inserí o dé jö do cösta data gnará ma plü publiché söla plata internet.

Döt le bun a:	Vitoria Angela Erlacher	22.02.1933
	Lois Trebo, <i>Al Plan (Craizer)</i>	22.02.1935
	Vesco Ivo Muser	22.02.1962
	Matia Astner	23.02.1932
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: **Signor Heinrich Perathoner**
E-mail: **ploania@gmx.net**

Calogna Al Plan: **0474 501006**
Radio de Ploania: **93,00 Mhz**



Fis y fies dal Pere dal ci

📖 **Lev. 19, 1–2.17–18 | 1 Cor 3, 16–23 | Mt 5, 38–48**

Dal Vangelo do San Mateo:

Te chel tomp á Gejú dit a sù discepui: ³⁸I eis aldí ch'al é gnü dit: Edl por edl y dont por dont. ³⁹Iu endere ves diji: No stede a se meter cuntra chel co ves fej de mal, mo sce önn te bat söla massedla derta, tegni ince ia l'atra. ⁴⁰Y sce önn ô te condüje dan signoria, por te tó la ciameja, spo lasci ince le mantel. ⁴¹Y sce önn ô te sforzé da jí mile vari empara, spo va dui mile empara. ⁴²Dái a chel co te preia, y no desgorje chel co ô s'empresté val' da te. ⁴³I eis aldí ch'al é gnü dit: Te desces ti orei bun a to proscim y ti avei le senn a to nemich. ⁴⁴Iu endere ves diji: Oredi bun a üsc nemisc, y periede por chi co ves porseghiteia, ⁴⁵por ch'i deventeise fis de osc Pere tal ci; deach'al lascia loé soledl sora i ri y i bogn, y al lascia plöei sora i iüsc y i iniüsc. ⁴⁶Sc'i ti oreis ma bun a chi co ves ô bun a os, ci paiamont podeise pa s'aspeté porchel? Ne fej nia chel ince i publicans? ⁴⁷Y sc'i salüdeis ma üsc fredesc, ci fajaise pa de particular lapró? Ne fej nia cösc ince i pagans? ⁴⁸Os desces ester perfec, desche ince osc Pere tal ci é perfet.

I ponsun do

Gejú envieia da chirí fora manieres zonza violenza, da ti orei bun ince al nemich, da renunzié ales retüdes y superé le mal con le bun. Cösc á consequenzes positives: sce zacai rump le certl dal mal, se daürel poscibilités nées.

Samben é cösc n comportamont co se iera döttes nostes forzes.

Mai ne sarunse bogn da sodesfá daldöt cösta ieranza; mo i podun meter man, i podun se meter sön tru y ti jí do a nosc maester. Y avisa cösc é ci co cunta.

I periu


Pere sô al Ci, to Fi á orü realisé na relaziun danter te y la jont y danter nos porsones.

Deidesse superé le mal con le bun

y ensciö porté ennant l'opera de to Fi.

Por el, co vir y regneia con te t'eternité.

Wilhelm Egger "Sonntagsbibel"



📖 **Letöres dla 8. domegna ia por l'ann:**

Is 49, 14–15 | 1 Cor 4, 1–5 | Mt 6, 24–34

Edema liturgica dai 19.02. ai 26.02.2017

DOM 19.	7. domegna ia por l'ann	<i>Irmgard, Bonifazio</i>
08:30	gran messa por dōta la ploania y por i tomés y pordüs te vera, funziun te cortina	<i>oferta por i debojügn dla ploania</i>
<i>10 y 18</i>	<i>s.m. a Al Plan</i>	
Lön 20.	<i>Amata, Iordan</i>	
<i>07:30</i>	<i>s.m. a Al Plan</i>	
Ded 21.	<i>Pire Damiani, German</i>	
07:30	s.m. dal ann por + Giovanni Ploner, La Munt	
Dem 22.	<i>fešta dla Catedra de San Pire, Diego, Isabella, Margareta da Crotona</i>	
<i>18:00</i>	<i>s.m. a Al Plan</i>	
Jöb 23.	<i>Policarp, Otto, Romana</i>	
19:30	s.m. por fam. Erardi, Longega s.m. por + Linda Rubatscher, Longega	
Ven 24.	<i>fešta de San Matia apostul, Ida</i>	
<i>07:10</i>	<i>s.m. a Al Plan</i>	
Sab 25.	<i>Sabeda de Santa Maria Walburga, Adeltrud</i>	
<i>18:00</i>	<i>s.m. prefestia a Al Plan</i>	
19:30	s.m. prefestia de ringraziamont dla fam. Georg y Anna Mühlmann, Baldessé s.m. por + Notburga Agreiter Pedit, Meghita/Desproch	
DOM 26.	8. domegna ia por l'ann	<i>Ulrich, Metilde, Ottokar y Adalbert</i>
08:30	gran messa por dōta la ploania	<i>oferta por i debojügn dla ploania</i>
<i>10 y 18</i>	<i>s.m. a Al Plan</i>	
<i>ampola:</i>	por i tomés y pordüs te vera	
<i>ministronc:</i>	▶ da doman y domegna: Marc Rigo y Sonia Erardi ▶ da sera y domegna: Samuel Rigo y Paul Comploi	
<i>i recordun:</i>	Paola Kehrer Moroder, <i>Urtijej</i>	+ 20.02.2015
	Giovanni Ploner	+ 20.02.2016
	Scholastica Agostini Mayr, <i>Pichl/Gsies</i>	+ 22.02.2009

La pordica dla munt cuntada ai mituns (5)



Dla retüda

Der dadio, dan trec agn él gnü dit: Defenete! Sce zacai te dá, spo dá zoruch! Iu, Gejú, le Fi de Dio endere, se djii val d'ater: "No se defenede! No déde zoruch! Sce zacai se dá sön la massedla ciampa, tignídi ince ia la derta. Sce zacai ô s'arobé la ciameja, spo déi la ciameja y ince le mantel lapró. Y sce zacai ô se sforzé da jí empara en chilometer spo jíde empara dui chilometri. Sce zacai te damana do val, spo dáial; sce zacai ô s'empresté val, emprestéial con ligreza".

La jont co ea danló y ascutá sō se fajea demorveia. É cōsc dert?, se damanâi. Vignōnn pó fá con nos ci ch'al ô. Mo i amisc de Gejú sâ, ci ch'al minâ con cōsc: dūc i amisc de Gejú dess meter na fin ala violenza y ester da orei bun. Ma sce ei met man da se comporté ensciö – orei bun, empede s'avei le senn, dé empede tó – y ester por i atri en ejempl, gnarál bel sön cōsc monn. Ma sce dōtes les porsones vir desco Gejú, jará la vita bun.

Beatificaziun de Josef Mayr-Nusser, 18 de merz tal dom da Balsan

L'Unité pastorala Val Badia organiseia da jí en pelegrinaje ala beatificaziun de Josef Mayr-Nusser tal dom da Balsan la sabeda ai 18 de merz. An peia ia ales 7:30 da Calfosch (ca. les 8:00 da Longega). Les prenotaziuns por La Pli ven tutes sō cina ai 28 de forá da Veronica Peslalz, ☎ 0474 501561.

Magari ne conesceise nia der cōsc jonn pere de familia da Balsan mort sot a Hitler. Mo al se mirita nosta amiraziun, deache al á testimoníe i valurs cristiagn defrunt a forzes desumanes y cuntra la fede. Nosc vesco le nomineia „mutig – christlich – solidarisc – n laico doc“.
signor degan



Vita de ploania y de paisc

Enformaziun en cōrt dal Consei Pastoral (sontada dai 9 de forá)

- L'orgo de dljia dess gní dörteré sō deache al va der debojügn.
- Dal consei de cortina fej pert: signor ploan, Paul Pedevilla, Franz Obojes, Richard Erlacher, Rita Konrater, Jan Agreiter.
- Le consei é a öna da vene a Berto Kastlunger le pre dla mognaria da Pliscia.
- Por la festa dal de dla vita, la festa dai iubilars, la prōma santa comuniun y por la crejima dess chi co organiseia ince fistidié dal placat da meter fora dan dljia.
- Por les Pissies da Pasca sarál atló signor Hans Maneschg y signor Pio Dapré: cōstes sará: ai 28 de merz por l'Uniun dai Ei, ai 30 de merz por l'Uniun dles Eres, ai 31 de merz (14:30) por i scolari dla scora mesana, ai 1 d'aorí por la Joneza y ai 8 d'aorí (09:00) por i scolari dla scora elementara.

Le program dles atres funziun de Carsema gnará lascé alessei tla proscima plata.